

校印全遼志敘

全遼志者遼東志第三次之續修本也何以明之遼東志始修於正統八年成於弘治元年續修於嘉靖八年成於十六年卷首冠以始修及重刊諸序而全遼志悉取而載之此即續修之明證也嘉靖四十四年巡按御史李輔病舊志舛脫落乃開館編次越六月而志成觀其凡例於舊志綱目多所更定大異於前次之續修故易名為全遼志此又可考而知也遼東志與全遼志俱著錄於明史藝文志所稱李輔重修遼東志十二卷即今本之全遼志卷首諸序仍用原本讀者不知細檢故以重修遼東志稱之非別有一本也遼東志傳本甚少清代諸賢於全謝山外罕見稱引惟全遼志則以鈔本流傳海內各大藏書家多有之近年瀋陽王氏在舊京得一明刊藍印佳本當為初印北平圖書館亦藏有明刊本合以日本舊紅葉山文庫所藏蓋有三矣遼陽袁氏在舊京購得鈔本余嘗取與大連圖書館

校印全遼志敘

遼海叢書

覆鈔紅葉山文庫本互校之始知其職官一志大連本尚增多於袁氏本江寧吳向之先生又以所藏鈔本互校則又增於大連本者甚多例如巡撫袁氏大連兩本俱訖於張西銘而吳氏本則增魏學曾以下十七人又如巡按袁氏本訖於李輔而大連本則增李叔和一人吳氏本則更增蔡應揚以下二十八人又如鎮守總兵袁氏本訖於佟登而大連本則增王治道一人吳氏本則更增李成梁以下十人其中如李成梁凡兩任總兵吳氏本錄至李氏復任時止其他分守分巡兵備諸道及諸職官皆遞有所增大抵袁氏本為初修故錄巡按訖於李輔其後則有數次之覆印每次覆印則遞有增益據續續李氏譜系萬曆二年甲戌李成梁初任鎮守遼東總兵官十九年辛卯解任二十九年辛丑復任三十六年戊申再解任又按吳向之先生明督撫年表嘉靖四十五年遼東巡撫以魏學曾繼張西銘訖至萬曆三十七年九月李柄凡十七人姓名皆與北平本合由是推

知吳氏所據本之覆印其在萬曆三十六七年之間乎是時上距嘉靖四十四年初刊之日已四十餘年矣然大連吳氏所據兩本祇可謂之覆印不謂之重修蓋覆印時僅將職官一志續有所增其他則一仍其舊持此一端證之故知其非重修也余所見之二本皆於一簡之內譌誤滿紙恐明刊本即亦如是是李輔所謂舊志舛脫漏之病全遼志仍不能免抑尤甚焉大連本缺第一卷余既按袁氏本為之鈔補復假大連本與袁氏本互校譌誤多所是正卷首舊序並為刊落以別於遼東志高君訥濟許君達九復以遼東志勸其違異別作校記附於書後於是諸本之異同可以一覽而得之矣遼陽金毓黻識

校印全遼志敘

遼海叢書

全遼志敘

余撫遼之明年甲子秋侍御近台李君奉命來按遼至則濼煩苛崇大體周歷境內詢民疾苦綜覈吏治又數條上便宜事皆中肯綮有裨實務邊氓戴之間嘗語余以遼志弗稱將圖新之未遑也又明年春余以承乏晉貳夏官還朝而李君事亦報竣需代者弗至遂得以餘力搜往牒摭輿見統系附晦別蕪縷遺歷夏徂秋而志告成以壽來京師徵余序余取而讀之首圖考次沿革山川次賦役次邊防次兵政次馬政次職官次選舉次宦業次人物次典禮次風俗次方物次祥異次故蹟次雜志次藝文次外志凡十九篇篇各有論著以備經略以垂法戒其用心蓋亦勤矣顧余弗良於言曷足以序君之志然義非得辭則爲之說曰遼北拒諸胡南扼朝鮮東控夫餘真番之境負山阻海地險而要中國得之則足以制胡胡得之亦足以抗中國故其離合實關乎中國之盛衰焉然自魏晉以降其與中國離

全遼志 敘

遼海叢書

者什六合者什四至於遼金元而淪沒於左衽腥膻之俗者幾五百年蓋其得之既難而守之尤難如此余嘗讀三史地志見其樹規拓圖畫畛區野大州小邑交鈐互鑲與內地埒維我國家混一函夏奄有萬方窮陬遐壤咸置長吏星分棋列遍於寰宇乃遼獨割去州邑並建衛所而轄之都司何哉邊鄙輒脫之俗華夷雜糅之民迫近胡俗易動難安非可以內地之治治之也我聖祖鑒古今之變飭戎夏之防因其利不易其俗齊其政不易其宜恢疎綱以順民心奮武衛以攝勝氣故其民安焉二百年來遼左之兵嘗爲諸鎮雄人皆習虜輕敵而莫肯退畏者豈非以法令寬簡人得自便而無拘繫顧忌之慮哉余昔來此觀其地形察其謠俗乃知我祖宗計慮深遠聖神之見可謂度越千古矣顧余有所深憂者國家之建都與前代異往者漢唐之都皆在關洛遼在當時直邊郡耳今國家建都燕薊與胡接壤則遼爲京師左臂所係尤重迨夫大寧失險山海以東橫入虜地

且數百里一線之途聲援易阻此其地形之異勢如此又近年以來習尚頗移法令漸密建設日廣調發愈頻夫法令密則巧偽滋建設廣則氣勢分調發頻則士馬耗欲其利爪牙以捍腹心豈不難哉故密綱裁而魚鱗爵羅製而鳥警法令深而人恐究觀地形民俗之異宜仰迺祖宗建置之深意則今日遼左之於國家其所係輕重與其固圍綏懷之策蓋可觀矣往余與李君計李君心嘗憂之故今爲斯志也蓋有弘遠深沈之思焉後之贊者不獨以其文焉已也

嘉靖乙丑冬十二月賜進士出身嘉議大夫兵部右侍郎前奉教巡撫遼東地方兼管理軍務都察院右副都御史南郡王之誥撰

全遼志 敘

遼海叢書

全遼志凡例

一今志事宜悉準舊志但冗者刪之如郡名操法營圖長編之類缺者增之如星野海道障塞馬政之類其他損益咸是義焉

一舊志綱目近百今約為十九

一遼陽按臨總會廣寧撫鎮駐節開原三面控夷獨當重地故三城特用白書以別於他城

一海道之通塞遼人之休戚關焉故特詳其里道沿革以備他日之考

一兵馬十少四五而營衛仍以原數稱蓋軍有定籍馬有定額於法得清勾買補故悉存之

一舊志爵命使命今悉省去以職官概之其大者書其名氏爵里小者止列其銜有異常之績者則書名

一宦業紀治行之善以風來世以世代先後為序若入名宦者則於

傳後見之不別立款省贅也其世代稍近者雖善不書以俟論定

一人物紀與宦業例同

一風俗舊志甚略今加詳焉

全遼志

凡例

遼海叢書

全遼志目錄

卷一

圖考志附星野 沿革志 山川志關梁海

卷二

賦役志附遼寧 邊防志遼寧 遼河 兵政志軍器糧

馬政志遼寧 遼河

卷三

職官志 選舉志

卷四

宦業志 人物志貞淑 典禮志 風俗志

方物志 祥異志 故蹟志 雜志流寓

卷五

藝文志上

全遼志 目錄

遼海叢書

卷六

藝文志下 外志外夷國

全辽志卷一

圖考志 附 星野

臺史氏曰夫遼左控朝鮮而右引燕薊前襟溟渤而後負沙漠蓋東北一都會也而遼陽廣寧開原三大鎮雄據鼎峙稱爲形勝之區故宋元以往疆藩點虜更遞竊據者不一而成能再世不失豈非以地利之足藉與適按往牒作爲圖考俾覽者不下几席而廣輪阨塞洞然於目前矣圖首全鎮次列衛各繫之以說者以竟圖之所未備也星土分野雖若恍忽然周禮所載宜非強合故亦備著焉

全辽志卷一

圖考

遼海叢書

論曰余按遼轍還方重觀覽形勢若延袤數百里岡阜原衍相屬者
惟遼陽以南數衛則然耳其餘衡約無過百里縱三四倍之塞垣時
遠道里紆回故守則力寡而備多戰則獨支而應緩疆場之事難矣
難矣聞之言老云開原抵廣寧財三百里國初時故道隱然可指若
徙築亭障於此而以遼瀋海州等處三四將領五七備禦星置綦布
則一舍之內旌旗相望卒然告急呼吸相應較之今日之事勢逸衆
寡不相什百也耶況囊括膏腴可省轉輸之十二而三岔河水草肥
美甲於全鎮苟擇其便利創置監苑則雲錦之登宜無訾焉雖然此
非可以俄頃爲也聞之鈞州馬公有志於此隨以遷去乃已若朝廷
擇人久任責效於數年之後而漸令牽制於一切之法則闢國百里
安知今無其人耶

全遼志下

地理

二

遼海軍書

查看完整版

付费下载



【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





【风水】风水命理资料合集_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



【中医】中华传统医学资料大全_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



【道术】道家法术\茅山术\符咒术\气术_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



【武术】传统武术与现代搏击术_6200 册

少林、武当、太极拳、形意拳、八极拳、咏春拳、气功、散打、格斗、拳击、...



【集藏】经史子集库_13300 卷

【经史子集】楚辞、汉赋、诗集、词集、宝卷、正史、编年、别史、纪事本末、地理志...



【国画】传世名画 _ 6100 卷

唐、金、辽、宋、元、明、清 800 多位画家近 6000 多幅传世...



【县志】方志\地方县志\乡志\地理志_8100 册

府志、区志、乡志、地理志..... 此合集为全国范围地方县志\府志古籍影印电子版，...



【国学】中华古籍库—32 万册古籍书

32 万册《中华古籍库》【32 万册影印古籍 + 20 多亿字，带检索器和阅读工具】包括各地方志、日本内...

【更多】 >> <https://www.fozhu920.com/list/>